



**Claudii Fleurii Abbatis Historia Ecclesiastica**

Ab anno Christi 1620 usque ad annum 1623

**Fleury, Claude**

**August. Vind. [u.a.], 1777**

**VD18 90118855**

§. 122. Principum, aliorumque Illustrium obitus.

---

[urn:nbn:de:hbz:466:1-67344](#)

lensis Academia in Holstia, quæ a Sæc. XVII.  
Principe Schaumburgensi ex bonis Ec- A.C. 1621.  
clesiasticis amplissime dotata, ac in-  
signibus privilegiis, quæ die vigesima  
septima Julii promulgata fuerunt, a  
Cæsare aucta est.

### §. CXXII.

#### *Principum, aliorumque Illustrium obitus.*

Præter jam recensitos hoc anno die *Bald. chron.*  
decima tertia Mensis Julii Alber- *moral.*  
tus Austriae Archidux, ac Belgii Gu- p. 1249.  
bernator, Princeps omni laude dignis- *Bell. laur.*  
simus, ac merito *Sapiens cognomina-* *Austr. l. 5.*  
*Merc. Gal-*  
tus Bruxellis in Domino piissime, ut *lob l. 2. t. 9.*  
vixit, obdormivit. Morienti adstitit *Casp. Jon-*  
V.P. Dominicus a Jesu Maria Carme- *gelin. Catal.*  
rita Excalceatus: Petiit Archidux in *Palat. Hung.*  
vulgari sarcophago, & veste Monastica p. 354.  
S. Francisci exponi ac sepeliri: Ejus *Neuvill. hist.*  
vero uxor Isabella Clara Eugenia, Prin- *d'Holl. t. 1.*  
cepis omni virtutum genere exulta se- *pag. 215.*  
quenti post Mariti mortem die habitu  
tertii Ord. S. Francisci indui voluit.  
Hujus Ducis obitum præcesserat Baden-  
sis Marchionis conjux die vigesimo  
quarto Maij defuncta. Die autem vi-  
gesima septima Januarii naturæ debi-  
tum solvit Sigismundus Forgatsius  
Hungariae Palatinus, qui in Bucquoii

Bb 2

castris

Sæc. XVII. castris morbo correptus, ac Tirnaviam  
A. C. 1621. delatus, paulopost ibidem decepit. Er-  
rat Vir animi fortitudine, & immota  
in Cæsarem fide clarus, qui in rebelli-  
bus Hungarum ad pacem revocandis,  
atque Imperatori reconciliandis haud  
parum, incassum licet, laborabat, cui  
tam in Palatini dignitate, quam in  
pacis, & reconciliationis studio hæres  
sequenti anno succeperat Stanislaus  
Thurzo de Bethlenfalva, ejus tamen  
cognatus Emericus Thurzo egregius  
pacis promotor, jam Mense Octobri  
non sine veneni suspicione in comitiis  
Nicolepoli decepit. Nimis præma-  
tura morte pariter hoc anno Mense Fe-  
bruario decepit Cosmas II. Magnus E-  
truriæ Dux nonnisi triginta & unum  
annos natus. Princeps erat ingenio  
quam corpore vegetior, cuius Filius  
Ferdinandus II. decem circiter anno-  
rum puer sub tutela Aviæ, Matris, &  
Patrui cura in magnam spem adoleve-  
rat. Migravit quoque e vita, Caro-  
lus Albertus Luynæus Marchio, Vir  
ob fortunæ blandientis favores longe  
celebratissimus, Ancräi in Regis grá-  
tia, & absoluta dominandi auctoritate,  
non item in ejusdem infortunio suc-  
cessor. Hic humili loco natus, variis  
artibus Ancräum, æmulum suum Re-  
gis favore, ac demum vita privavit,

se vero miseri hujus spoliis, & immo- Sæc. XVII.  
A. C. 1621.  
dica Regis liberalitate locupletavit: Erat ejus indoles nec in odia, nec in ingratisudinem proclivis, calide etiam præcipuos Regni Principes ac Proceres sibi beneficiis devincire intentus, ipsam etiam Reginam, quam tamen sibi valde exosam noverat, palam offendere reformidabat, de Regis patrocinio tutus adversus omnes invidæ sortis casus. Ita Austriacæ Domui favebat, ut tamen Galici Imperii augmentum non negligeret: demum novo prorsus exemplo, nec unquam antea emensus militiæ tyrocinnia, Franciæ Comestabilis elititur, inde omnium indignatio, & proxima Luynæi ruina, nisi potentior fuisset Regis favor, quo insuper Franciæ Cancellarius nominatus est, sagæ & togæ simul sibi imperium vendicans. Tandem vero declinante vitæ curriculo sensim fortunæ cursus ad exitium properabat; genuina enim fortunæ indoles est, in ætatis vigore sensim deficere: Præprimis igitur Luynæus ab æmulis militarium stipendiorum pecunias in alios usus convertisse, ac ideo solutæ Montalbanæ obsidionis caufsa existisse insimulabatur; unde Luynæus præter omnem expectationem Regis erga se animum labefactatum experie-

B b 3 batur;

Sæc. XVII. batur; adeo Regis clientibus vel semel  
 A. C. 1621 titubasse periculosum est: illico succes-  
 serat aliorum contemptus, pluraque in  
 eum mordaci lingua jam libere conge-  
 rebantur: tandem morbus, quo Longæ-  
 tilliæ correptus erat, æmulis gra-  
 tus, Luynæo autem ex animi mæiore,  
 ni forte, ut rumor ferebat, ex propi-  
 natî veneni violentia exitialis indies  
 ingravescebat, minore, quam creditum,  
 Regis luctu: nondum animam exhal-  
 laverat Luynæus, cum jam ipsum de-  
 fererent Amici, familiares, Medici,  
 & qui certatim paulo ante litaverant  
 adultæ, dum erecta stabat, Regii clien-  
 tis fortunæ, nunc cadentem exescran-  
 tur, & abdicant: soli assistunt morienti  
 duo, ejusque oculos cladunt, Russ-  
 lagus Abbas, & Contadus, reliquis  
 ejus gratiam ejurantibus: deficientibus  
 quoque cereis & Syndone, hi duo ea  
 ære suo compararunt: Cadaver vero se-  
 cundo amne Burdegalam sine omni  
 comitatu inventum, seditionis metu  
 clam in portu reclinatur, nulloque su-  
 nebri apparatu ad Turonensem agrum  
 infertur feudo Moliacæo, cui a Luy-  
 næo nomen est. Hic tandem exitus  
 fuit Viri, quem ad summos apices for-  
 tunæ præceps evexit, ut eum citiore  
 lapsu in præceps ageret: breve erat  
 Luynæo rei Gallicæ imperium, ple-  
 risque

risque exosum, paucis acceptum. An-  
Sæc. XVII.  
no sequenti Marescallus Lesdigerius A.C. 1621.  
in fidei quatuor Franciæ regibus ser-  
vatæ præmium Franciæ Commissarii  
lis ensem accepit; hic enim non modo  
Sectariorum Rupellensium factionem  
jam antea abdicaverat, sed etiam Cal-  
vini errores, quibus a teneris imbu-  
tus erat, proiecta jam ætate in mani-  
bus Episcopi Embrodunensis exuit, in  
Ecclesiæ Romanæ sinum confugiens.  
Denique felicius migravit ad Deum  
Anna a Jesu, quæ ex nobilissima Hi-  
spana propagine Principum de Lobera  
& de Torres orta Carmelitarum Discal-  
ceatarum institutum professa est, &  
prima apud Gallos & Belgas hujus  
Ordinis Monialium Domicilia constru-  
xit, ac Bruxellis non sine vulgaris  
sanctitatis opinione decedens acceptam  
Deo & hominibus memoriam reliquit.

## §. CXXIII.

*Serenissimæ Archiducissæ Austriæ An-  
næ Julianæ mors.*

Specialem memoriam sibi vendicare  
videtur pietas, Religio ac pretiosa  
mors Serenissimæ Annæ Julianæ Ar-  
chiducissæ Austriæ. Hæc Mantuæ, ac  
Montisferatensis Ducis Filia Ferdinan-  
do Archiduci Austriæ & Tyrolis Co-